

تاریخ عثمانی انجمنی

مجموعه سی

ایک آیدہ بر نشر اولنور. تاریخ عثمانیہ عائد مقالاتہ صحیفہ لرمن آچققدرد. درج
ایدلیان مقالات صاحبہ اعادہ اولنہ بیلور .

اوزتور اوغلی عثمان پاشا (مابعد)	عبدالرحمن شرف
۶۰۵ ده دو تمام	صفوت
مورہ لی السید علی افندیك سفارتنامہ سی (مابعد)	***
مجارستانہ بعض آثار عثمانیہ	{ روم بك اوغلی فخرالدین
احمد ثالث دورینہ دائرہ مادام مونته کونک مکشوبلری (مابعد) احمد رفیق	
ممالک عثمانیہ ده کی مؤسسات مذہبیہ حقندہ معلومات مختصرہ	موسی کاظم
متنوعه : ادرنہ شہرینہ دائرہ سلطان سلیم خان اول	
ایله ابن کالک بر مصاحبہ سی - خاتان مشارالیه	{ عارف
حقندہ کی سرشہ مشہورہ نک تمامی	
تفرقه : واقعات سلطان جم	***

فیثانی ہ غروش

مرجعی — باب عالی تاریخ عثمانی انجمنی

ابونہ قیدی ایچون انجمنہ مزاحمت اولنور

احمد اسماعیل وشرطاسی

مطبعہ جلیق عثمانی شرکت

۱۳۳۱

ممالك عثمانیه ده کی مؤسسات مذهبیہ حقندہ

معلومات مختصره [۱]

۱ - آرماسه

آرماش نفس ایزمیتہ مربوط و بیک بشیوز ارمنی اہالی ایلہ مسکون بر اوفاق قصبہ در. ایزمیتدن آلتی ساعت اوزاق در. موقعی صوک درجہ ده دلفریب و شاعرانہ در. من القدی ماستری ایلہ معروفدر. هجرتک ۱۲۷۷ و ۱۳۰۵ تاریخلرنده ایکی بویوک حریقہ اوغرامشدر. بیچی درمی ماسترک یاندن کچور و سفاریہ نہرینہ دوکیلور. آرماش بیک دونملک اراضیہ و اوج بیک دونملک بر اورمانہ مالکدر. باستورک طونجیلک حقندہ کی مطالعات و تداییری ایلک اوجکہ آرماشدہ موقع تطبیقہ وضع اولندی و استفادہ لر ایلدی.

آرماش میلادک ۳۰۳ سنہ سندنبری طانیلیور، بوتاریخندہ روما ایمپراطوری دیشوقلہ سینہ نک فرمانیلہ ایزمیتدہ برچوق اعزہ نک قانی اراقہ ایلدی و اہالی قتل عامدن قورتولمق ایچون آرماش طاغلرینہ چکلدی. هجرتک ۱۰۱۷ (۱۶۰۸ م) سالندہ ایراندن آطہ بازارینہ اوج یوز ارمنی عائلہ سی هجرت ایلدی و بونلرک بر قسی آرماشہ اسکان ایتدیرلدی. ۱۰۲۰ (۱۶۱۱ م) سنہ هجریہ سندنبری آرماش شرف قزانمایہ باشلادی و اوشرف کوندن کونہ مزداد اولمقدہ در. سالف الذکر ارمنی عائلہ لریلہ آطہ بازارینہ کلش اولان پسقوپوس طاطیئوس آرماش کوییلہ آرماش ماسترین تاسیس ایلدی. مرور ایام ایلہ ایزمیت ارمنی مرخصہ لری آرماشدہ اختیار اقامت ایتشلردر.

[۱]. مأخذلرم: تبعہ عثمانیہ احوالی، دیوان قیودی، توارخ لفتی و جمایع

آرماش مناسترى حمايه وصيانت ايتك ايچون هجرتك ۱۰۴۰
 سنه سنده طايطيوس ، ۱۱۳۰- (۱۷۱۷ م) ييلنده نيقوغيوس ، ۱۱۷۲
 (۱۷۵۸ م) سنه سنده آطاناس و ۱۲۰۲ (۱۷۸۷ م) ييلنده بارطوغيوس
 افنديلره سلاطين عظام حضراتى طرفلرندن فرمانلر اعطا اولمش و اطرافدن
 و قوعبولان تجاوزاته خاتمه چكلمشدر . ۱۲۲۲ (۱۸۰۷ م) سالنده
 قايماس وكنچ اوغلى على ناملرندكى متغلبه تك مجادلانى ائسانده
 آرماش مناسترى تخريب ايدلش ايسده . سريقويوس بوغوص زماننده
 و ۱۲۳۶ (۱۸۲۰ م) سنه سنده سلطان محمود ثانى حضرتلرينك مساعد
 واحسانيله ايجاب ايدن محللرى تعبير و بعض محللرى مجدداً بنا اولمش
 واسكى فرمانلر احكامى تأييد بيورلمشدر . خاقان مشاراليهك بوبابدهكى
 لطف و عنايتى ارمنى ملتى و ايه مند فخر و مسار ايتمشدر .

هجرتك ۱۲۳۷ (۱۸۲۱ م) سنه سنده راهب و معلم يتشمدرمك
 اوزره مذكور مناستر اتصائلنده بردار التدريس انشا و كشاد اولنمشدركه
 بو مؤسسه ارمنى مأمورين روحانيه سنك بر مخرج و دارالتفيضى در .
 ۱۳۰۶ (۱۸۸۸ م) سنه سنده آرماش مكنتى استانبول ارمنى بطريقخانه سنك
 تحت نظارت و صحابته كيردى و امور اداره سى استانبوله مرعى الحاطر
 ذواته توديع قلندى .

آرماش مكنتبه قرق دورتدن زياده شا كرد آلتماز وسن دخول اون
 يدى ايله يكرمى آراسنده در . ختام تحصيلده و يريلن ديپلوما بزم دارالقنونك
 الهيات شعبه سى درجه سنده در . الهياتدن ماعدا علوم طبيعه و حكميه ايله
 رياضيات و ادبيات دخى تدريس اولنمقده در .

آرماشك ايلول ايچنده برزيارت كوئى و اردر ؛ بوزيارته استانبول
 و آناطولى ارمنيلى اشتراك ايدر ، زوارك عددى يدى بيكي تجاوز
 ايلمكده در . مناسترك واردات اصليه سى زوارك اعاناتندن عبارتدر .

۲ — آنطاكيه روم بطريقلفى

بو بطريقلق ديكر بطريقلكلرك جمله سندن اسكى اولدني حاليه بالا آخره

اوچنجی و دردنجی درجه ده قالدی . لسان رسمیده آنطاکیه بطریققلنی
(آنطاکیه شام و توابی بطریققلنی) دیه یاداولنیور . کلیسا دعا لرنده ایسه
آنطاکیه ، سوریه ، عربستان ، کلکیا ، ایزوریا ، مزوپوتامیا و بتون
آنطولی بطریققلنی دینلیور و آنطاکیه بطریققلنی ده اکثریا بو عنوان ایله دعا
ایدیلیور . بعض اعتقاده کوره ، آنطاکیه بلده سی (جناب حقه الکبیوک
شهری) لقبی حائرر . بوبلده نك موقعی حواریوندن سن پیشه طرفندن
تقدیس ایدلدی و بطریقاقجه اولان اوچنجی درجه سی میلادك ۳۲۵ و هجرتك
۶۲ (۶۸۱ م) ییللرنده ایزمیت و استانبول قونسللرنده تعیین قلندی .
آنطاکیه ؛ سلفکیان ملوکی طرفندن تأسیس ایدلدی . روما ، ایران
و یزانی دولترلی انه چکدکن صوکره هجرتك ۱۷ (۶۳۸ م)
سنه سنده عربلر ، ۴۹۲ (۱۰۹۸ م) ییلنده صلیبون ، ۶۶۷ (۲۹
میس ۱۲۶۸ م) ده مصر لیلر و ۹۲۲ (۱۵۱۶) ده یاوز سلطان
سلیم جانبندن فتح و تسخیر اولندی . مصر حکمداری ممالیک بحریه دن
رکن الدین بیبرس آنطاکیه ده داخل اولدینی زمان خرستیان اهالی پی
قتل عام ایلدیکندن بطریق قیره طینه شامه فرار ایتش و او تاریخنبرو
شام بلده سی آنطاکیه دروم بطریققلنی مقری اولشدر .

آنطاکیه بطریققلنی توابع و ملحقانده عرب لسانی تکلم ایدلدیکی
جهتله آیین روحانی قسماً عربی و قسماً رومی لسان ایله اجرا اولنمقده در.
هجرتك ۱۱۴۱ (۱۷۲۸ م) ساله قدر آنطاکیه بطریققلنی یرلیدن
انتخاب اولنوردی ، بوییلدن اعتباراً استانبول بطریقخانه سنه منسوب
یتقویوسلردن ده بطریق انتخابنه کبریشلدی و بواصول ۱۲۶۷
(۱۸۵۰ م) تاریخنه دکن دوام ایتدی . بو آرائق قدس روم مناسرتندن دخی
بطریققلنی کتیرلدی . ۱۸۹۹ (رومی ۱۳۱۵) ده سوریه سینودی [۱]
بطریق سیرینونی عزل و یرینه لازقه متره بولیدی اولان مله تیوس افندی پی

[۱] سینود: روم اولوب مجلس روحانی دیمکدر . مع مافی سینود خصوصی
و قونسل عموم خرستیانلره عائد بر مجلس روحانی مناسنی تضمن ایدر .

نصب و تعمین ایلدی ، بو انتخاب استانبول بطریقخانه سنجه خوش کورلمه دی ، اما باب عالی مله تیوس افندی به بطریق قلی براتی و بردی ، آنطاکیه بطریق قلی فنارک اعتراض و مداخله سندن قور تولق ایچون بر معناد بویوک پاسقالیه دن صوکره فاردن کونده ریلن زیت مقدس دن دخی استغنا ایدوب مذکور یاغک مقوه سینودندن جلنه قرار ویردیلر که بو اصول حالا جاری و مرعیدر . مذکور مقصده بناء بونه آنطاکیه بطریقی روسیه خاندان چاریسک تبریکاته کتدی .

آنطاکیه روم بطریق قلی اون اپارخیا [۱] ایله اوچیز اللی بیک کشی به نظارت ایلکده در؛ شرقده قتلک کلک توسع و انتشاری اوزرینه بونفوسک مقداری ایکی یوز بیکه تنزل ایلدیکی روایت اولنیور .

آنطاکیه بطریق قلی امتیازات روحانیسی استانبول و قدس بطریقخانه لری امتیازاتک عینیدر . آنطاکیه روم بطریقخانه سنک اپارخیالری شام ، صور ، بصره ، اطنه ، آناوارزه ، اورفه ، دیار بکر ، بغداد و سلفکده موافقنده در .

آنطاکیه نك خصوصات مذهبيه جه دوچار اولدینی تحولات تعداده شایاندر:

- (۱) نصرانیت آنطاکیه ده تأسس ایتدی .
- (۲) قیصریه (قاپادوکیا) میسیونرلری آنطاکیه دن یوله روان اولدیلر .
- (۳) آنطاکیه بش بطریق قلی مرکزیدر .
- (۴) خرسیتیانلق شیرماسی [۲] آنطاکیه ده باش کوستردی .
- (۵) ۳۲۵ تاریخ میلادینده ازنیقده تشکل ایدن قونسیلده آنطاکیه ، روما واسکندریه دن صوکره اوچنجی بطریق قلی عد اولندی .
- (۶) قاضی کوی قونسیلده آنطاکیه ، روما و استانبول واسکندریه بطریق قلی لردن دون مرتبه ده قالدی .
- (۷) نصرانیت مذهبی ایچون آنطاکیه ده بک حق و مهم قونسیلر انمقاد ایلدی .

[۱] دائرة روحانیه ، دسبوطلق مربوطاتی .

[۲] اعافراق ، رافضیلک .

(۸) مونوفیزیت [۲] ، مونوتھلیت [۳] ، یعقوبی و مارونی کورولتیلری
آنطاکیہ دہ وسعت بولدی .

آنطاکیہ شیزماسی خریستیانلنی متعدد شعبات مذہبیہ بہ تقسیم ایلدی .
بوافتراک اصل سببی آنطاکیہ بطریقخانہ سنک قاضی کوی قونسیلی
مقرراتی اسما ف ایلہ مہ سیدر . قاضی کوی قونسیلی عیسی علیہ السلام
ایچون ایکی طبیعت یعنی لاهوتیت و ناسوتیت اوصافی قبول ایلدیکی حالہ
آنطاکیہ بطریقخانہ سی یالکز لاهوتیت صفتی طانید یقندن افتراق سییت
ورمش اولدی . قاضی کوی قونسیلی « سنت اوفہ می Sainte
Euphémie » کلیسانده اجرای مذاکرات ایلدی و اون بش اجتماع
وقوع بولدی ، بوقونسیلہ الی یوز اوتوز پستوبوس اشتراک ایتیشیدی ،
ایمپراطور مارسیئن ایلہ زوجہ سی پولشہری مجتہمین میانده بولنیورلردی .
آنطاکیہ بطریقخانہ سی اهل افتراقدن بیزانسی اوتیشہ نک طریقتی التزام
ایلدی و نستوریلک علیہداری کورندی ، زیرا نستوریئوس طرفدارانی
حضرت عیسیایہ ایکی ذات و ایکی صفت اضافہ ایلک صورتیلہ اعتقاد
ایلورلردی . الحاصل آنطاکیہ کلیسای روح اللہ ایچون یالکز صفت
الوہیتی طانید یقنہ مبنی واحد الطبیعہ (مونوفیزیت) تسبیہ قلنور ، یعقوبیلر
ایلہ مصر قبطیلری و ارمنیلر و مارونیلر مونوفیزیت صنفہ داخلدرلر .

مابعدی وار موسی کاظم

[۲] روجہ اولوب مونو : تک و فیزیس : طبیعت دیمکدر .

[۳] تھلیسا : ارادت .